

Das ist / von wegen der Wirkung pro
birn/vnd beweisen/ dem jederman meines
genzlichē verhoffens/beyfal geben wird/
weil mans greiffen vnd fühlen kan/ vnd
jederman widerfert vnd begegnet.

Wir sehen scheinlich für augen / vnd
mag nicht geleugnet werden / Das die
Cörper vnd Leibe der trencker / an ihnen
selbst erhitzen / wan sie mit dem trincken
etwas starck anhalten/ Es sey Weiß oder
Rot Bier/ das getruncken wird/ Vnd das
zeigen auch an / Die auswendigen zeichen
des Angesichts/ Das die guten trencker/
vnter ihren augen so Rot werden/ wie ein
Blut/vnd so heiß/wie ein feur/ Señ man
greiffe an ihre heupter/so fület mans wol/
wie heiß sie sein/so man sonst dem/ was sie
selbst berichten/vnd der feurröten farbe/
ihres Angesichts / nicht glauben geben
wolte / Das geschicht aber daher/ Das die
Hitzē in den warmen Naturen/ erwecket/
gemehret / vnd vberal im gantzen Leibe
zertheilet/vnd ausgebreitet wird/vnd son
derlich/durch seine leichte/empor zu heupt
te steigt/ Das sihet man nicht an denen/
die schlecht Wasser/ Kouent / oder dünne
Bier trincken/denn beide Wasser vnd Kou
uent/Haben die art vnd Natur zu fülen.

So müssen auch die Biere darumb
heisser art sein / Das sie den trenckern in
den Kopff steigen / vnd sie trincken ma
chen/